

# UNDANG-UNDANG MALAYSIA

## Akta 343

### AKTA LEMBAGA KOKO MALAYSIA (PEMERBADANAN) (PINDAAN) 2001

Suatu Akta untuk meminda Akta Lembaga Koko Malaysia (Pemerbadanan) 1988.

[ 31 Oktober 2001 ]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

#### BAHAGIAN I PERMULAAN

(2) (1) Akta ini bolehlah dinamakan Akta Lembaga Koko Malaysia (Pemerbadanan) (Pindaan) 2001.

Tajuk ringkas dan permulaan kuatkuasa.  
(Pindaan 2001)

(2) Akta ini hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta* dan Menteri boleh menetapkan tarikh yang berlainan bagi peruntukan yang berlainan dalam Akta ini.

(Pindaan 2001)

Tafsiran. (Pindaan 2001)	2. “Akta ini” termasuklah mana-mana peraturan yang dibuat di bawah Akta ini,
	“anggota” ertinya anggota Lembaga, dan termasuklah anggota silihganti;
(Pindaan 2001)	“bahan tanaman koko” ertinya biji benih koko, anak benih koko, anak benih koko bertunas, apa-apa bahan daripada mana-mana bahagian pokok koko yang digunakan dalam pembiakan tampang dan tumbuh-tumbuhan daripada tisu koko;
(Pindaan 2001)	“biji koko” ertinya biji <i>Theobroma cacao</i> L. samada melalui proses fermentasi atau pengeringan atau tidak;
(Pindaan 2001)	“dapatan penyelidikan” ertinya apa-apa hasil daripada kegiatan penyelidikan dan kemajuan dan termasuklah rekacipta dan kemajuan dalam apa-apa proses, radas, jentera atau teknik;
(Pindaan 2001)	“hari ditetapkan” ertinya hari seksyen 26A mula berkuatkuasa;
(Pindaan 2001)	“industri koko” ertinya apa-apa industri yang terlibat dalam penanaman koko atau pengeluaran keluaran koko atau kedua-duanya dan termasuklah perkhidmatan yang berhubung dengan penanaman atau pengeluaran itu;
(Pindaan 2001)	“juruanalisis” ertinya seorang juruanalisis yang dilantik di bawah seksyen 23R;
	“kakitangan” ertinya pegawai-pegawai dan pekhidmat-pekhidmat Lembaga dan di mana konteksnya terpakai sedemikian, mana-mana pakar yang diambil kerja oleh Lembaga secara sementara;
(Pindaan 2001)	“keluaran koko” ertinya apa-apa keluaran yang dikilang daripada biji koko dan termasuklah likuor koko, mentega koko, koko berbuku, serbuk koko dan coklat;
(Pindaan 2001)	“kenderaan” ertinya apa-apa cara pengangkutan, samada melalui udara, laut atau darat;
	“Ketua-Pengarah” ertinya Ketua-Pengarah Lembaga yang dilantik di bawah seksyen 15;

- “koko” ertinya tumbuh-tumbuhan daripada genus *Theobroma* atau apa-apa genus atau spesies yang berkaitan atau apa-apa kacukan atau klon daripada genus atau spesies itu, tumbuh-tumbuhan yang terhasil daripada mengahwinkan spesies, kacukan atau klon ini dengan apa-apa spesies, kacukan atau klon tumbuh-tumbuhan yang lain, dan bentuk spesies, kacukan atau klon ini yang dihasilkan daripada kejuruteraan genetik, dan termasuklah biji koko dan keluaran koko; (Pindaan 2001)
- “Kumpulan Wang” ertinya Kumpulan Wang Lembaga Koko Malaysia yang ditubuhkan di bawah seksyen 18;
- “laut” termasuk perairan pedalaman; (Pindaan 2001)
- “Lembaga” ertinya Lembaga Koko Malaysia yang ditubuhkan di bawah seksyen 3;
- “MARDI” ertinya Institut Penyelidikan dan Kemajuan Pertanian Malaysia yang ditubuhkan di bawah Akta Institut Penyelidikan dan Kemajuan Pertanian Malaysia 1969; (Pindaan 2001)  
**Akta 11.**
- “Menteri” ertinya Menteri yang bertanggungjawab bagi industri koko;
- “pegawai diberi kuasa ertinya — (Pindaan 2001)
- (a) seorang pegawai Lembaga yang diberi kuasa di bawah seksyen 23A;
  - (b) seorang pegawai polis yang pangkatnya tidak rendah daripada Inspektor; atau (Pindaan 2001)
  - (c) seorang pegawai kastam. (Pindaan 2001)
- “Pengerusi” ertinya Pengerusi Lembaga yang dilantik di bawah seksyen 3B; (Pindaan 2001)
- “program-program diluluskan” ertinya program-program yang diluluskan oleh Lembaga.

## BAHAGIAN II LEMBAGA

Penubuhan  
Lembaga dan  
matlamatnya.  
(Pindaan 2001)  
(Pindaan 2001)

(Pindaan 2001)

(Pindaan 2001)

**3.** (1) Maka inilah ditubuhkan suatu pertubuhan perbadanan dengan nama “Lembaga Koko Malaysia”.

(2) Lembaga adalah kekal turun-temurun.

(3) Lembaga boleh mendakwa dan didakwa atas nama perbadanannya.

(4) Tertakluk kepada dan bagi maksud Akta ini, dan atas apa-apa syarat yang didapati patut, Lembaga boleh –

(a) membuat kontrak; dan

(b) berkenaan dengan apa-apa jenis harta alih dan harta tak alih dan kepentingan mengenai harta alih dan harta tak alih –

(i) memperoleh, membeli dan mengambil harta dan kepentingan itu; dan

(ii) memegang, menikmati, memindahkan, menyerahhakkan, menyerahkan balik, memulangkan, menggadaikan, menggadaijanjikan, mendemiskan, menyerahhakkan semula, memindahmilikkan, atau dengan apa-apa cara lain melupuskan atau membuat apa-apa urusan mengenai, harta dan kepentingan itu yang terletak pada Lembaga.

(Pindaan 2001)

(5) Matlamat Lembaga adalah —

(a) untuk memajukan dan membangunkan industri koko Malaysia; dan

(b) untuk memajukan matlamat, dasar dan keutamaan negara bagi pembangunan dan pentadbiran industri koko Malaysia dengan cara yang teratur.

(Pindaan 2001)

(6) Jadual Pertama hendaklah terpakai bagi Lembaga.

Meterai biasa.  
(Pindaan 2001)

**3A.** (1) Lembaga hendaklah mempunyai suatu meterai biasa yang mengandungi suatu tanda yang diluluskan oleh Lembaga.

(2) Meterai biasa itu boleh, dari semasa ke semasa, dipecahkan, ditukar, diubah dan dibuat baharu sebagaimana yang didapati patut oleh Lembaga. *(Pindaan 2001)*

(3) Sehingga suatu meterai diadakan oleh Lembaga, suatu cap yang mengandungi perkataan “Lembaga Koko Malaysia” bolehlah digunakan dan hendaklah disifatkan sebagai meterai biasa Lembaga. *(Pindaan 2001)*

(4) Meterai biasa itu hendaklah disimpan dalam jagaan Pengerusi atau seorang anggota Lembaga. *(Pindaan 2001)*

(5) Meterai biasa itu hendaklah dicapkan di hadapan Pengerusi dan seorang anggota Lembaga yang lain dan Pengerusi dan anggota itu hendaklah menandatangani tiap-tiap surat ikatan, dokumen atau surat cara lain yang padanya meterai biasa itu dicapkan. *(Pindaan 2001)*

(6) Segala surat ikatan, dokumen dan surat cara lain yang berupa sebagai dimeteraikan dengan meterai biasa itu dan yang disahkan sebagaimana yang disebut dalam subseksyen (5) hendaklah disifatkan sebagai telah disempurnakan dengan sah sehingga dibuktikan sebaliknya. *(Pindaan 2001)*

(7) Apa-apa surat ikatan, dokumen atau surat cara lain yang, jika disempurnakan oleh seseorang yang bukan suatu pertubuhan perbadanan, tidak dikehendaki supaya dimeteraikan, boleh disempurnakan mengikut cara yang serupa oleh Pengerusi atau seorang anggota Lembaga bagi pihak Lembaga. *(Pindaan 2001)*

(8) Meterai biasa Lembaga hendaklah diberikan pengiktirafan rasmi dan kehakiman. *(Pindaan 2001)*

**3B.** Lembaga hendaklah terdiri daripada anggota yang berikut yang hendaklah dilantik oleh Menteri — Keanggotaan  
Lembaga.  
*(Pindaan 2001)*

(a) seorang Pengerusi;

(b) seorang wakil Kementerian yang dipertanggungjawab dengan tanggungjawab bagi industri koko, yang dinamakan oleh Ketua Setiausaha Kementerian; *(Pindaan 2001)*

- (Pindaan 2001) (c) seorang wakil Perbendaharaan, yang dinamakan oleh Ketua Setiausaha Kementerian Kewangan;
- (Pindaan 2001) (d) seorang wakil Kementerian yang dipertanggungjawabkan dengan tanggungjawab bagi pertanian, yang dinamakan oleh Ketua Setiausaha Kementerian;
- (Pindaan 2001) (e) seorang wakil Kementerian yang dipertanggungjawabkan dengan tanggungjawab bagi perdagangan antarabangsa dan industri, yang dinamakan oleh Ketua Setiausaha Kementerian;
- (Pindaan 2001) (f) lima orang wakil industri koko;
- (Pindaan 2001) (g) tidak lebih daripada enam orang yang mewakili kepentingan lain dalam industri koko atau kepentingan Kerajaan Persekutuan atau kepentingan Kerajaan-Kerajaan Negeri; dan
- (Pindaan 2001) (h) Ketua-Pengarah.
- (Pindaan 2001) (2) Lembaga hendaklah menjalankan fungsi-fungsinya dan melaksanakan tugas-tugasnya mengikut Jadual Pertama.
- Tempoh jawatan. **4.** Anggota-anggota Lembaga hendaklah memegang jawatan bagi apa-apa tempoh sebagaimana yang ditetapkan dalam surat perlantikan mereka dan adalah layak dilantik semula.
- Anggota silihganti. (Pindaan 2001) **5.** (1) Menteri boleh, berkenaan dengan setiap anggota Lembaga yang dilantik di bawah perenggan (b), (c), (d), (e), (f) dan (g) subseksyen 3B, melantik seorang menjadi anggota silihganti untuk menghadiri, sebagai ganti anggota itu, mesyuarat Lembaga yang anggota itu tidak dapat menghadiri atas apa-apa sebab.

(1A) Anggota silihganti yang hendak dilantik – (Pindaan 2001)

(a) Berkenaan dengan anggota yang dilantik di bawah perenggan (b), (c), (d) dan (e) seksyen 3B, hendaklah anggota silihganti yang dinamakan oleh Ketua Setiausaha masing-masing Kementerian yang dinyatakan dalam perenggan-perenggan itu; dan (Pindaan 2001)

(b) Berkenaan dengan anggota yang dilantik di bawah perenggan (f) dan (g) seksyen 3B, hendaklah anggota silihganti yang dinamakan oleh masing-masing anggota yang dilantik. (Pindaan 2001)

(2) Apabila menghadiri mesyuarat-mesyuarat Lembaga, seseorang anggota silihganti hendaklah bagi segala maksud disifatkan sebagai anggota Lembaga.

(3) Seseorang anggota silihganti hendaklah melainkan jika dia terlebih dahulu meletakkan keanggotaan atau perlantikannya terlebih dahulu dibatalkan, terhenti menjadi anggota silihganti jika anggota yang baginya dia merupakan anggota silihganti terhenti menjadi anggota Lembaga.

**6.** Perlantikan tiap-tiap anggota dan anggota silihganti Lembaga hendaklah disiarkan dalam *Warta*.

Perlantikan hendaklah diwartakan.

**7.** (1) Menteri boleh melantik mana-mana anggota Lembaga selain Ketua-Pengarah untuk menjalankan fungsi-fungsi Pengerusi semasa apa-apa tempoh yang Pengerusi oleh kerana apa-apa juga sebab tidak dapat menjalankan fungsi-fungsinya atau semasa apa-apa tempoh kekosongan dalam jawatan Pengerusi; dan anggota sedemikian hendaklah, selama tempoh yang dia menjalankan fungsi-fungsi Pengerusi di bawah subseksyen ini, disifatkan sebagai Pengerusi.

Perjalanan sementara fungsi-fungsi Pengerusi. (Pindaan 2001))

(2) Sehingga suatu perlantikan di bawah subseksyen (1) dibuat atau jika tiada perlantikan sedemikian atau jika Pengerusi tidak hadir pada mana-mana mesyuarat Lembaga, anggota yang dilantik di bawah perenggan (b) seksyen 3B atau anggota silihgantinya, mengikut mana-mana yang berkenaan, hendaklah menjalankan fungsi-fungsi dan disifatkan sebagai Pengerusi Lembaga.

(Pindaan 2001)

*(Pindaan 2001)*

(3) Jika pada mana-mana mesyuarat Lembaga, Pengerusi dan orang yang menjalankan fungsi-fungsi Pengerusi di bawah subseksyen (2) kedua-duanya tidak hadir, anggota yang hadir hendaklah melantik seorang daripada kalangan anggota yang hadir untuk mempengerusikan mesyuarat itu.

Fungsi-fungsi  
Lembaga.

**8.** Lembaga hendaklah mempunyai fungsi-fungsi berikut—

(a) menjalankan dan menggalakkan penyelidikan ke atas pengeluaran, pemprosesan, penstoran, pengangkutan, pemasaran, penggunaan dan pemakaian koko dan keluaran koko;

*(Pindaan 2001)*

(b) menjamin, sekiranya kepentingan awam atau kepentingan industri koko memerlukan sedemikian, pemajuan dan pengeksplotasian apa-apa dapatan penyelidikan, yang didapati oleh Lembaga belum dimajukan dan dieksplotasikan atau belum dimajukan atau dieksplotasikan dengan sepenuhnya;

*(Pindaan 2001)*

(c) memperoleh, memegang, melupuskan atau memberi hak-hak berkaitan dengan dapatan penyelidikan yang terletak hak pada Lembaga atau, sekiranya kepentingan awam atau kepentingan industri koko memerlukan sedemikian, berkaitan dengan dapatan apa-apa penyelidikan yang dilakukan oleh mana-mana orang atau organisasi;

(d) mengawal dan menyelaraskan aktiviti-aktiviti dan polisi-polisi yang relevan semua penyelidikan dan pembangunan organisasi-organisasi yang dibiayai sepenuhnya atau sebahagian besarnya dari Kumpulan Wang;

(e) memastikan bahawa Lembaga sentiasa dimaklumkan dengan sepenuhnya mengenai aktiviti-aktiviti dan polisi-polisi yang relevan semua penyelidikan dan pembangunan organisasi-organisasi yang dibiayai sebahagiannya oleh Kumpulan Wang;

- (f) mengumpul, menyatukan dan menyebarkan maklumat yang berhubung dengan koko dan keluaran koko dan gantian lain bagi keluaran koko dan untuk menggalakkan pemakaian koko dan keluaran koko yang bersaing dengan bahan-bahan lain atau pelengkap kepadanya.
- (g) menyelaraskan aktiviti-aktiviti di dalam Malaysia yang berhubung dengan penyelidikan, pembangunan, publisiti dan perkara-perkara lain yang melibatkan industri koko serta mengadakan hubungan dengan badan-badan di luar Malaysia yang mempunyai ikatan dengan perkara-perkara tersebut;
- (h) mengadakan perkhidmatan teknikal, nasihat dan perunding bagi industri koko;
- (i) menyelaraskan aktiviti-aktiviti dengan tujuan untuk mendapatkan pemasaran yang cekap bagi biji koko dan keluaran koko dari Malaysia ;
- (j) mengawalselia dan memperbaiki cara penstoran dan pengapalan koko dan keluaran koko;
- (k) memajukan langkah-langkah ke arah mencapai kualiti yang tinggi untuk koko dan keluaran koko dan termasuklah membantu menetapkan standard-standard dan penubuhan suatu sistem penggredan yang cekap.
- (l) mengawalselia pemprosesan, penggredan, pembungkusan, pengimportan dan pengeksportan koko termasuk pemerakuan baginya;
- (m) mengawalselia dan menyelaraskan perjalanan yang sempurna dalam pengeluaran, pemprosesan, penstoran, pengangkutan dan pemasaran koko dan keluaran koko;
- (n) menimbang, menggalak dan mengambil langkah-langkah untuk mencegah berlakunya dan merebaknya penyakit-penyakit yang melibatkan koko;

*(Pindaan 2001)*

*(Pindaan 2001)*

- (Pindaan 2001) (na) merancang dan melaksanakan rancangan latihan dan pembangunan sumber manusia selaras dengan keperluan industri koko;
- (Pindaan 2001) (nb) menjalankan penyelidikan dan kemajuan tentang minyak dan lemak selain mentega koko jika penyelidikan dan kemajuan itu bertujuan untuk mempertingkatkan industri koko;
- (Pindaan 2001) (nc) menjalankan penyelidikan dan kemajuan dalam apa-apa bidang lain jika penyelidikan dan kemajuan itu bertujuan untuk memanfaatkan industri koko; dan
- (Pindaan 2001) (nd) menjalankan penyelidikan dan pembangunan mengenai tanaman selangan dan menggalakkan tanaman selangan dalam ladang koko.
- (o) pada amnya untuk melakukan apa-apa jua perkara untuk kebaikan dan perjalanan yang sempurna bagi industri koko dan untuk menjalankan apa-apa fungsi lain sebagaimana yang diarahkan oleh Menteri dari semasa ke semasa.

Kuasa-kuasa  
Lembaga.

**9.** Lembaga hendaklah mempunyai kuasa untuk melakukan segala perkara yang semunasabahnya perlu bagi, atau yang bermanfaat atau bersampingan dengan, perjalanan fungsi-fungsinya, khususnya tetapi tanpa menjejaskan keluasan yang berikut —

- (a) menubuhkan dan mengendalikan mana-mana institusi dan establismen di mana-mana tempat sebagaimana yang difikirkan sesuai oleh Lembaga untuk menunaikan fungsi-fungsinya di bawah Akta ini;
- (b) mengadakan apa-apa rundingan perkiraan sebagaimana yang difikirkan perlu oleh Lembaga untuk menggalakkan kepentingan umum akan industri koko;

- (c) menerima sebagai balasan bagi khidmat-khidmat yang diberikan olehnya apa-apa komisen atau bayaran sebagaimana yang dipersetujui.
- (d) mengenakan apa-apa fi atau caj lain yang difikirkannya patut bagi melaksanakan mana-mana fungsinya;
- (e) menubuhkan jawatankuasa-jawatankuasa, yang boleh terdiri daripada atau termasuk orang-orang yang bukan anggota Lembaga untuk menasihat atau membantu Lembaga atas apa-apa perkara berhubungan dengan kuasa-kuasa dan fungsi-fungsinya sebagaimana yang difikirkannya patut; dan Lembaga boleh mewakilkan, tertakluk kepada apa-apa syarat dan batasan sebagaimana yang dikenakannya, mana-mana kuasa dan fungsinya (kecuali kuasa membuat peraturan-peraturan dan meminjam wang) sebagaimana yang difikirkannya patut, kepada mana-mana jawatankuasa sedemikian dan apa-apa tindakan yang dilakukan atau keputusan yang dibuat oleh jawatankuasa-jawatankuasa tersebut menurut perwakilan sedemikian hendaklah disifatkan sebagai tindakan atau keputusan Lembaga.

**10.** (1) Lembaga boleh, dengan kelulusan Menteri setelah berunding dengan Menteri Kewangan, melalui perintah yang disiarkan dalam *Warta*, menubuhkan suatu perbadanan, dengan apa-apa nama yang didapati patut oleh Lembaga, untuk menjalankan dan untuk menjaga, mengelolakan dan menguruskan apa-apa projek, skim atau perusahaan yang dirancang atau diusahakan oleh Lembaga pada melaksanakan fungsi-fungsinya, menjalankan kuasa-kuasanya atau menunaikan kewajipan-kewajipannya.

Kuasa untuk menubuhkan perbadanan.  
(Pindaan 2001)

(2) Tiap-tiap perintah yang dibuat di bawah subseksyen (1) hendaklah membuat peruntukan-peruntukan berkenaan dengan —

- (a) keanggotaan perbadanan;
- (b) pembiayaan perbadanan;

(c) pembayaran balik pinjaman yang dibuat kepada perbadanan; dan

(d) akaun yang akan disimpan oleh perbadanan dan audit akaun itu.

(3) Peruntukan-peruntukan Jadual Kedua hendaklah terpakai bagi perbadanan yang ditubuhkan oleh Lembaga di bawah subseksyen (1).

(4) Menteri boleh membuat kaedah-kaedah atau peraturan-peraturan yang menetapkan apa-apa aktiviti atau kepentingan atau yang menetapkan terma-terma atau syarat-syarat apa aktiviti atau kepentingan mana-mana anggota, pegawai atau pekhidmat Lembaga berhubungan dengan perbadanan dan apa-apa peninggalan atau kecuaiian dari mematuhi dan apa-apa tindakan yang dilakukan atau cuba dilakukan yang berlawanan dengan peruntukan-peruntukan kaedah-kaedah atau peraturan-peraturan itu adalah suatu kesalahan terhadap Akta ini dan pesalah apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi lima tahun atau kedua-duanya.

Perdagangan  
dapatan  
penyelidikan  
(Pindaan 2001)

**10A.** Lembaga boleh mengadakan apa-apa dapatan penyelidikan yang terletak hak pada Lembaga untuk mana-mana orang atau badan tertakluk kepada apa-apa syarat dan kepada pembayaran apa-apa fi, royalti atau balasan lain, jika ada, yang ditetapkan oleh Lembaga dengan kelulusan Menteri, bagi maksud memperdagangkannya.

Kuasa untuk  
mengambil kerja  
ejen, dsb.  
(Pindaan 2001)

**10B.** Lembaga boleh mengambil kerja dan membayar ejen dan penasihat teknikal, termasuk peguambela dan peguamcara, ahli bank, pakar runding, broker saham, jurukur, penilai dan orang lain, untuk menjalankan apa-apa urusan atau untuk melakukan apa-apa perbuatan yang dikehendaki dijalankan atau dilakukan pada melaksanakan fungsi-fungsinya, menjalankan kuasa-kuasanya atau menunaikan kewajipan-kewajipannya atau bagi melaksanakan maksud-maksud Akta ini dengan lebih baik.

**11.** Menteri boleh, selepas berunding dengan Lembaga, membuat peraturan-peraturan untuk melaksanakan tujuan-tujuan dan peruntukan-peruntukan Akta ini dengan sempurna dan berkesan di atas, peraturan-peraturan sedemikian boleh —

Kuasa Menteri  
membuat  
peraturan-peraturan.

- (a) menghendaki supaya didaftarkan dan dilesenkan orang-orang yang berkenaan dengan apa-apa atau segala aktiviti yang termasuk ke dalam skop fungsi-fungsi Lembaga;
- (b) mengadakan peruntukan mengenai perkara-perkara yang berhubungan dengan pendaftaran dan pelesenan termasuk cara memohon pendaftaran dan lesen-lesen, fi yang perlu dibayar untuk lesen-lesen, pengenaan atau perubahan syarat-syarat dan sekatan-sekatan ke atas lesen-lesen, dan pembatalan atau penggantungan lesen-lesen itu;
- (c) mengadakan peruntukan mengenai perkara berhubungan dengan rayuan;
- (d) mengawalselia apa-apa atau segala aktiviti yang termasuk dalam skop fungsi-fungsi Lembaga dengan apa-apa cara selain daripada atau sebagai tambahan kepada pendaftaran dan pelesenan;
- (e) mengadakan peruntukan mengenai amalan yang dikehendaki, diikuti atau dielakkan di dalam industri koko;
- (f) mengadakan peruntukan mengenai pendaftaran kontrak-kontrak jualan termasuk butir-butir kontrak sedemikian yang berhubungan dengan pengesportan koko dan keluaran koko;
- (g) bagi maksud memastikan bahawa mutu koko yang akan dieksportkan adalah pada standard yang ditentukan dan untuk mencegah fraud berkaitan dengannya, mengadakan pengawalan dan penyeliaan standard sedemikian termasuk menetapkan tanda-tanda untuk dicapkan atau selainnya diteraskan pada koko yang dibungkus untuk eksport;

(h) menetapkan fi yang dikenakan berkenaan dengan apa penyelidikan, penyiasatan, ujian, nasihat atau khidmat-khidmat lain yang Lembaga diminta menjalankan, menyediakan atau melaksanakan di bawah peraturan-peraturan tersebut;

*(Pindaan 2001)*

(i) menetapkan penalti bagi pelanggaran peruntukan mana-mana peraturan yang dibuat di bawah seksyen ini dengan penjara tidak melebihi dua tahun atau denda tidak melebihi lima puluh ribu ringgit atau penjara dan denda itu kedua-duanya;

*(Pindaan 2001)*

(j) menetapkan piawaian bagi pemprosesan dan kaedah bagi menapaikan, mengeringkan, menggredkan atau membungkus koko dan keluaran koko;

*(Pindaan 2001)*

(k) menetapkan tatacara untuk mengimport dan mengeksport biji koko dan keluaran koko;

*(Pindaan 2001)*

(l) menetapkan kesalahan yang boleh dikompaunkan;

*(Pindaan 2001)*

(m) menetapkan rekod dan dokumen yang dikehendaki disimpan dan penyata yang dikehendaki dikemukakan;

*(Pindaan 2001)*

(n) mengadakan peruntukan bagi apa-apa perkara lain yang dimaksudkan oleh, atau yang perlu bagi melaksanakan sepenuhnya, Akta ini dan bagi pentadbirannya yang sewajarnya.

Rayuan  
kepada  
Menteri.  
*(Pindaan 2001)*

**12.** (1) Mana-mana orang terkilan dengan keengganan Lembaga mengeluarkan atau membaharui, atau dengan pembatalan atau penggantungan oleh Lembaga akan suatu lesen yang dikehendaki di bawah Akta ini atau mana-mana kaedah-kaedah atau peraturan yang dibuat di bawah atau dengan pengenaan atau pengubahan syarat-syarat ke atas lesen tersebut boleh, dalam masa tiga puluh hari dari tarikh keputusan ini diberitahu kepadanya, secara bertulis merayu kepada Menteri, yang mana keputusannya adalah muktamad dan tidak boleh dipersoalkan di mana-mana mahkamah.

(2) Dalam memberi keputusannya ke atas sesuatu rayuan di bawah subseksyen (1), Menteri boleh mengesahkan, mengakaskan atau mengubah keputusan Lembaga.

**13.** Lembaga boleh, dengan kelulusan Menteri membuat apa-apa kaedah-kaedah dan peraturan-peraturan sebagaimana yang difikirkannya perlu untuk menunaikan fungsi-fungsinya dengan berkesan di bawah seksyen 8, dan khususnya, tetapi tanpa menjejaskan keluasan kuasa yang diberikan oleh seksyen ini, kaedah-kaedah dan peraturan-peraturan sedemikian boleh —

Kuasa Lembaga membuat kaedah-kaedah dan peraturan-peraturan.

(a) menetapkan prosedur bagi pentadbiran Kumpulan Wang yang ditubuhkan di bawah Bahagian III Akta ini;

(b) menetapkan skim dan juga terma-terma dan syarat-syarat pinjaman yang dibuat kepada kakitangan di bawah subseksyen (3)(c) seksyen 18;

*(Pindaan 2001)*

(c) menetapkan perkara-perkara yang berhubungan dengan penubuhan sesuatu perbadanan di bawah seksyen 10.

*(Pindaan 2001)*

**14.** Lembaga hendaklah bertanggungjawab kepada Menteri dan Menteri boleh, selepas berunding dengan Lembaga, bila-bila masa sahaja menurut budi bicaranya didapati perlu berbuat demikian, memberi arahan-arahan kepada Lembaga yang pada pandangannya sesuai dan suaimanfaat yang berhubungan dengan Akta ini, dan Lembaga hendaklah mematuhi arahan-arahan sedemikian.

Menteri boleh memberi arahan.

**14A.** Pada menjalankan tugas-tugas dan fungsi-fungsi rasminya, anggota Lembaga hendaklah disifatkan sebagai pekhidmat awam dalam erti Kanun Keseksaan.

Anggota disifatkan sebagai pekhidmat awam.  
Akta574.  
*(Pindaan 2001)*

(Pindaan 2001)

## BAHAGIAN IIA KETUA PENGARAH DAN KAKITANGAN LEMBAGA

Perlantikan  
Ketua-Pengarah  
dan kakitangan  
lain Lembaga.

**15.** (1) Maka hendaklah dilantik oleh Menteri seorang Ketua-Pengarah atau seseorang dengan apa-apa nama jawatan lain sebagaimana yang difikirkan sesuai oleh Menteri atas apa-apa terma dan syarat dan bagi apa-apa tempoh yang ditentukannya.

(2) Lembaga boleh melantik beberapa orang kakitangan Lembaga yang lain termasuk *Merinyu Koko* yang difikirkan perlu dan suaimanfaat oleh Lembaga.

(Pindaan 2001)

(3) Perlantikan Ketua-Pengarah hendaklah disiarkan di dalam *Warta*.

(4) Lembaga tidak boleh menubuhkan atau mengubahsuai apa-apa jawatan atau skim perkhidmatan untuk pegawai-pegawai dan pekhidmat-pekhidmat Lembaga, terma-terma dan syarat-syarat perkhidmatan dan gaji, apa-apa skim pensen, dan apa-apa skim yang berhubungan dengan elaun dan saraan lain, tanpa mendapat kelulusan Perbendaharaan dan Jabatan Perkhidmatan Awam.

Kuasa-kuasa  
dan tugas-tugas  
Ketua-Pengarah.

**16.** (1) Ketua-Pengarah hendaklah menjadi Ketua pegawai eksekutif Lembaga dan hendaklah, selain daripada mempunyai kuasa-kuasa dan tugas-tugas yang dinyatakan dalam subseksyen (2) atau yang difikirkan oleh Lembaga patut diberikan kepadanya atau dipertanggungjawabkan ke atasnya, mempunyai segala kuasa dan tugas yang perlu bagi menjalankan pentadbiran Lembaga.

(2) Ketua-Pengarah hendaklah —

(a) mengemukakan untuk kelulusan Lembaga —

- (i) program-program tahunan tentang aktiviti-aktiviti Lembaga;
- (ii) anggaran-anggaran hasil dan perbelanjaan yang perlu bagi menjalankan aktiviti-aktiviti Lembaga;

- (b) memastikan bahawa program-program diluluskan adalah dilaksanakan dengan sepatutnya dan bahawa perbelanjaan bagi menjalankan program-program diluluskan adalah selaras dengan belanjawan tahunan yang diluluskan oleh Lembaga;
- (c) sentiasa memaklumkan Lembaga dengan sepenuhnya akan kemajuan aktiviti-aktivitinya.

(3) Jika Ketua-Pengarah tidak dapat buat sementara menjalankan fungsi-fungsinya oleh sebab sakit, tidak ada atau apa-apa sebab lain, Lembaga boleh melantik seorang anggota kakitangan untuk menjalankan kuasa-kuasa dan tugas-tugas Ketua-Pengarah.

**17.** Pada menjalankan tugas-tugas dan fungsi-fungsi rasminya, Ketua-Pengarah dan kakitangan hendaklah disifatkan sebagai pekhidmat awam dalam erti Kanun Keseksaan.

Pekhidmat awam.

**17A.** (1) Ketua-Pengarah boleh, secara bertulis, mewakili mana-mana fungsi, kuasa atau kewajipan yang diberikan kepadanya di bawah Akta ini kepada mana-mana pegawai Lembaga, tertakluk kepada apa-apa syarat yang didapatinya patut.

Perwakilan kewajipan Ketua-Pengarah. (Pindaan 2001)

(2) Perwakilan di bawah seksyen ini tidaklah menghalang Ketua-Pengarah daripada melaksanakan atau menjalankan sendiri, mana-mana fungsi, kuasa atau kewajipan yang diwakilkan itu pada bila-bila masa.

(Pindaan 2001)

**17B.** Harta dalam tiap-tiap dapatan penyelidikan oleh Ketua-Pengarah, mana-mana anggota kakitangan atau mana-mana pakar yang diambil kerja oleh Lembaga, dalam menjalankan tugas rasminya atau dalam tempoh pegawai atau orang yang berkenaan itu sedang bekerja dengan Lembaga atau berada dalam perkhidmatan Lembaga, hendaklah terletak hak pada Lembaga tetapi Lembaga boleh memberi hadiah kepada pegawai atau orang yang berkenaan atas dapatan penyelidikan itu mengikut apa-apa cara yang didapatinya patut.

Harta dalam dapatan penyelidikan oleh Ketua-Pengarah atau kakitangan. (Pindaan 2001)

*(Pindaan 2001)*

### BAHAGIAN III KEWANGAN

Kumpulan Wang  
Lembaga Koko  
Malaysia.

**18.** (1) Maka hendaklah ditubuhkan dan disenggarakan suatu kumpulan wang yang dikenali sebagai Kumpulan Wang Lembaga Koko Malaysia yang hendaklah ditadbirkan oleh Lembaga.

(2) Yang berikut hendaklah dibayar ke dalam Kumpulan Wang :

(a) apa-apa pemberian yang dibuat kepada Lembaga oleh Kerajaan Persekutuan atau mana-mana Kerajaan Negeri;

(b) semua wang yang dipungut di bawah seksyen 22;

(c) semua wang yang dipungut di bawah mana-mana kaedah-kaedah dan peraturan-peraturan yang dibuat di bawah Akta ini, selain daripada denda.

(d) semua wang yang dipinjam oleh Lembaga di bawah seksyen 19;

*(Pindaan 2001)*

(e) semua wang yang didapati atau terbit daripada apa-apa pelaburan di bawah seksyen 20 atau daripada apa-apa harta, gadaijanji, cagaran atau debentur;

*(Pindaan 2001)*

(f) wang yang diterima daripada sumber-sumber lain termasuk komisen dan fi kerana nasihat atau khidmat yang diberi menurut perenggan (c) dan (d) seksyen 9, atau fi, royalti atau balasan lain yang kena dibayar di bawah seksyen 10A;

*(Pindaan 2001)*

(g) wang yang dipungut atau dibayar di bawah seksyen 23Y; dan

*(Pindaan 2001)*

(h) derma dan sumbangan yang diterima dari dalam atau luar Malaysia, termasuk wang yang diterima daripada mana-mana kerajaan atau organisasi di luar Malaysia.

## (3) Kumpulan Wang boleh digunakan untuk —

- (a) membayar perbelanjaan yang ditanggung oleh Lembaga dalam mentadbirkan Kumpulan Wang itu;
- (b) membayar apa-apa perbelanjaan yang dilakukan dengan sah oleh Lembaga, termasuk –
  - (i) saraan Ketua-Pengarah dan kakitangan, termasuk pemberian pinjaman, elaun persaraan, pencen atau ganjaran dan, jika berkenaan, sumbangan kepada Kumpulan Wang Simpanan Pekerja berkenaan dengan Ketua-Pengarah dan kakitangan; *(Pindaan 2001)*
  - (ii) perlindungan insurans bagi Ketua-Pengarah dan kakitangan; *(Pindaan 2001)*
  - (iii) sumbangan kepada Akaun Kebajikan Kakitangan Lembaga Koko Malaysia yang ditubuhkan di bawah seksyen 18A; dan *(Pindaan 2001)*
  - (iv) fi dan kos guaman serta fi dan kos lain; *(Pindaan 2001)*
- (c) memberi pinjaman perumahan atau pinjaman untuk membeli kenderaan bagi Ketua-Pengarah dan kakitangan, atau apa-apa terma dan syarat yang ditetapkan;
- (d) membuat sumbangan dengan cara bayaran yuran atau derma kepada mana-mana organisasi yang diiktiraf, sama ada tempatan atau antarabangsa, yang menggalakkan penyelidikan dan kemajuan ke atas koko dan pemasaran koko dan keluaran koko; *(Pindaan 2001)*
- (e) membayar balik apa-apa jumlah yang dipinjam oleh Lembaga di bawah seksyen 19; *(Pindaan 2001)*
- (ea) membayar apa-apa hadiah di bawah seksyen 23DD. *(Pindaan 2001)*

- (f) membayar apa-apa perbelanjaan lain yang difikirkan oleh Lembaga bersampingan dengan fungsi-fungsinya.

Akaun Kebajikan kakitangan Lembaga Koko Malaysia.  
(Pindaan 2001)

**18A.** (1) Lembaga boleh, dengan kelulusan Menteri, mewujudkan dan menyenggarakan suatu akaun amanah daripada dana Lembaga dengan nama “Akaun Kebajikan Kakitangan Lembaga Koko Malaysia“ bagi manfaat Ketua-Pengarah dan kakitangan Lembaga.

(Pindaan 2001)

(2) Akaun Kebajikan Kakitangan Lembaga Koko Malaysia hendaklah digunakan bagi maksud-maksud yang bertujuan untuk menjaga kebajikan Ketua-Pengarah dan kakitangan Lembaga sebagaimana yang ditetapkan dalam arahan amanah yang dikeluarkan oleh Lembaga dengan kelulusan Menteri dan arahan itu boleh membuat peruntukan mengenai cara dan tatacara untuk memberi bantuan, memberi pinjaman atau membuat pembayaran lain daripada Akaun Kebajikan Kakitangan Lembaga Koko Malaysia.

Kuasa meminjam wang.

**19.** Lembaga boleh, dengan kelulusan Menteri dan persetujuan Menteri Kewangan, meminjam wang bagi maksud-maksud menjalankan fungsi-fungsinya.

Kuasa malabur.  
(Pindaan 2001)

**20.** Lembaga boleh, dari semasa ke semasa dengan kelulusan Menteri setelah berunding dengan Menteri Kewangan, melabur Kumpulan Wang itu atau mana-mana bahagian daripadanya, yang tidak diperlukan dengan segera untuk memenuhi obligasi-obligasinya atau menjalankan fungsi-fungsinya, dalam apa-apa pelaburan atau sekuriti yang pada ketika ini dibenarkan untuk pelaburan kumpulan wang amanah di bawah mana-mana undang-undang bertulis.

Pengecualian duti setem.

**21.** Lembaga hendaklah dikecualikan daripada apa-apa bayaran yang berhubungan dengan duti setem yang dikenakan di bawah mana-mana undang-undang bertulis.

## BAHAGIAN IV SES

22. (1) Menteri boleh, selepas berunding dengan Menteri Kewangan, membuat perintah-perintah berkenaan dengan pengenaan, perubahan atau pengkensenan ses ke atas koko; dan perintah-perintah itu boleh menyatakan jenis, amaun dan kadar dan cara pemungutuan ses itu.

Ses ke atas koko.  
(Pindaan 2001)

(1A) Perintah yang dibuat di bawah seksyen ini boleh menetapkan amaun, kadar dan cara pungutan yang berlainan bagi jenis atau gred koko yang berlainan.

(Pindaan 2001)

(2) Kecuali sebagaimana yang diperuntukan selainnya dalam mana-mana perintah tersebut, ses itu hendaklah disifatkan bagi maksud pemungutan dan penguatkuasaan pemungutannya, sebagai duti kastam yang dikenakan di bawah Akta Kastam 1967.

(3) Tiap-tiap perintah itu hendaklah disiarkan dalam *Warta* dan hendaklah dibentangkan di hadapan tiap-tiap Dewan Parlimen dengan seberapa segera yang praktik selepas penyiaran sedemikian dalam *Warta*.

(4) Seseorang yang tidak atau enggan membayar apa-apa ses yang dikenakan di bawah seksyen ini adalah melakukan suatu kesalahan dan apabila disabitkan boleh didenda tidak melebihi sepuluh kali amaun ses yang kena dibayar atau dipenjarakan selama tempoh tidak melebihi dua tahun atau kedua-duanya.

(Pindaan 2001)

(5) Amaun apa-apa ses yang dikenakan di bawah seksyen ini hendaklah menjadi hutang yang kena dibayar kepada Lembaga daripada orang yang terhadapnya ses itu dikenakan dan boleh didakwa dan didapatkan mana-mana mahkamah atas guaman Lembaga.

(Pindaan 2001)

(6) Permulaan prosiding di bawah seksyen ini tidak boleh melepaskan mana-mana orang daripada liabiliti untuk membayar apa-apa ses yang baginya orang itu bertanggung atau mungkin bertanggung atau daripada liabiliti untuk membuat apa-apa penyata yang orang itu dikehendaki membuatnya oleh Akta ini.

(Pindaan 2001)

*(Pindaan 2001)*

(7) Tanpa menjejaskan subseksyen (5), mahkamah yang dihadapannya seseorang disabitkan atas suatu kesalahan di bawah subseksyen (4) boleh memerintahkan orang itu membayar kepada Lembaga jumlah amaun ses yang diperakui oleh pegawai kewangan Lembaga sebagai kena dibayar oleh orang itu pada tarikh sabitan itu.

*(Pindaan 2001)*

(8) Ses yang kena dibayar di bawah subseksyen (7) hendaklah, bagi maksud pemungutannya, disifatkan sebagai suatu denda dan hendaklah didapatkan mengikut seksyen 283 Kanun Tatacara Jenayah.

**Nmb. Bab 6.**

## BAHAGIAN V AUDIT DAN LAPORAN TAHUNAN

Pengemukaan akaun, audit dan laporan tahunan.

**23.** Akta Badan Berkanun (Akaun dan Laporan Tahunan) 1980 hendaklah terpakai dengan akaun, audit dan laporan tahunan Lembaga.

*(Pindaan 2001)*

## BAHAGIAN VA PENGUATKUASAAN

Pemberian kuasa kepada pegawai.  
*(Pindaan 2001)*

**23A.** (1) Ketua-Pengarah boleh, secara bertulis, memberi kuasa mana-mana pegawai Lembaga untuk menjalankan kuasa penguatkuasaan di bawah Akta ini.

*(Pindaan 2001)*

(2) Seseorang pegawai yang diberi kuasa di bawah subseksyen (1) apabila bertindak di bawah Akta ini hendaklah, apabila diminta, mengisytiharkan jawatannya dan mengemukakan kepada orang yang terhadapnya pegawai diberi kuasa itu bertindak atau yang daripadanya pegawai diberi kuasa itu menghendaki apa-apa maklumat kad kuasa yang dibawa oleh pegawai itu atas arahan Ketua-Pengarah.

Kuasa penyiasaan.  
*(Pindaan 2001)*

**23B.** Seseorang pegawai diberi kuasa hendaklah mempunyai segala kuasa yang perlu untuk menjalankan pemeriksaan dan untuk menyasiat pelakuan apa-apa kesalahan di bawah Akta ini.

**23C.** (1) Jika seseorang Majistret mendapati, atas maklumat bertulis bersumpah dan selepas apa-apa siasatan yang didapati perlu oleh Majistret itu, bahawa terdapat sebab yang munasabah untuk mempercayai bahawa suatu kesalahan di bawah Akta ini atau mana-mana peraturan yang dibuat di bawah Akta ini sedang atau telah dilakukan di mana-mana premis, Majistret itu boleh mengeluarkan waran yang memberi kuasa mana-mana pegawai diberi kuasa yang dinamakan di dalam waran itu untuk masuk ke dalam premis itu pada bila-bila masa yang munasabah sama ada pada waktu siang atau malam, dengan atau tanpa bantuan dan jika perlu dengan kekerasan, dan di sana —

Penggeledahan  
dengan waran.  
(Pindaan 2001)

(a) menggeledah dan menyita apa-apa koko, kenderaan, jentera, peralatan, kelengkapan, buku, rekod, dokumen atau benda lain yang dengan semunasabahnya dipercayai memberikan keterangan mengenai pelakuan kesalahan itu;

(Pindaan 2001)

(b) mengambil sampel apa-apa koko atau benda yang dijumpai dalam premis itu bagi maksud menentukan, dengan ujian atau selainnya, sama ada kesalahan itu telah dilakukan; dan

(Pindaan 2001)

(c) membuat salinan atau mengambil cabutan daripada mana-mana buku, rekod, dokumen atau benda lain yang dijumpai di premis itu.

(Pindaan 2001)

(2) Seseorang pegawai diberi kuasa yang memasuki mana-mana premis di bawah seksyen ini boleh membawa bersamanya orang dan kelengkapan lain sebagaimana yang didapatinya perlu.

(Pindaan 2001)

(3) Seseorang pegawai diberi kuasa boleh, pada menjalankan kuasanya di bawah seksyen ini, jika perlu untuk berbuat sedemikian —

(Pindaan 2001)

(a) memecahkan apa-apa pintu luar atau dalam premis dan masuk ke dalam premis itu;

(Pindaan 2001)

(b) masuk secara paksa ke dalam premis itu dan tiap-tiap bahagian premis itu;

(Pindaan 2001)

(Pindaan 2001) (c) memindahkan dengan kekerasan apa-apa halangan kepada kemasukan, penggeledahan, penyitaan dan pemindahan sebagaimana yang pegawai diberi kuasa itu diberi kuasa untuk melakukan; dan

(Pindaan 2001) (d) menahan tiap-tiap orang yang dijumpai di premis itu sehingga tempat itu telah digeledah.

(Pindaan 2001) (4) Jika, oleh sebab jenis, saiz atau amaunnya, adalah tidak munasabah untuk memindahkan apa-apa koko, kenderaan, jentera, peralatan, kelengkapan, buku, rekod, dokumen atau benda lain yang disita di bawah seksyen ini, pegawai yang menyita itu hendaklah, dengan apa-apa cara, mengelak koko, kenderaan, jentera, peralatan, kelengkapan, buku, rekod, dokumen atau benda lain itu dalam premis atau dalam bekas yang di dalamnya koko, kenderaan, jentera, peralatan, kelengkapan, buku, rekod, dokumen atau benda lain itu dijumpai.

(Pindaan 2001) (5) Seseorang yang, tanpa kuasa sah, memecahkan, mengganggu atau merosakkan lak yang disebut dalam subseksyen (4) atau memindahkan koko, kenderaan, jentera, peralatan, kelengkapan, buku, rekod, dokumen atau benda lain yang dilak atau cuba berbuat demikian adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya sekali.

Kuasa untuk memberhentikan dan menggeledah kenderaan.  
(Pindaan 2001)

**23D.** (1) Jika seseorang pegawai diberi kuasa mempunyai sebab yang munasabah untuk mengesyaki bahawa mana-mana kenderaan sedang membawa apa-apa koko, jentera, peralatan, kelengkapan, buku, rekod, dokumen atau apa-apa benda lain yang berkenaan dengannya suatu kesalahan di bawah Akta ini atau mana-mana peraturan yang dibuat di bawah Akta ini sedang atau telah dilakukan, pegawai diberi kuasa itu boleh memberhentikan dan memeriksa kenderaan itu dan boleh, jika atas pemeriksaan pegawai diberi kuasa itu mempunyai sebab yang munasabah untuk mempercayai bahawa kenderaan itu sedang atau telah digunakan untuk melakukan kesalahan itu, menyita kenderaan itu dan apa-apa koko, jentera, peralatan, kelengkapan, buku, rekod, dokumen atau benda lain yang dijumpai dalam kenderaan itu yang dengan semunasabahnya dipercayai memberikan keterangan mengenai pelakuan kesalahan itu.

(2) Orang yang mengawal atau menjaga kenderaan itu hendaklah, jika dikehendaki berbuat demikian oleh pegawai diberi kuasa — *(Pindaan 2001)*

(a) memberhentikan kenderaan itu dan membenarkan pegawai diberi kuasa memeriksanya; dan *(Pindaan 2001)*

(b) membuka semua bahagian kenderaan itu untuk diperiksa dan mengambil segala langkah yang perlu untuk membolehkan atau memudahkan perjalanan pemeriksaan itu sebagaimana yang didapati perlu oleh pegawai diberi kuasa. *(Pindaan 2001)*

(3) Seseorang yang melanggar subseksyen (2) adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya. *(Pindaan 2001)*

**23E.** (1) Kecuali sebagaimana yang diperuntukan dalam subseksyen (2), jika apa-apa koko, kenderaan, jentera, peralatan, kelengkapan, buku, rekod, dokumen atau benda lain disita di bawah seksyen 23C atau seksyen 23D, pegawai yang menyita itu hendaklah menyediakan senarai benda yang disita dan dengan serta-merta menghantARSERahkan sesalinan senarai itu yang ditandatangani olehnya kepada — *Senarai benda disita. (Pindaan 2001)*

(a) jika premis telah digeledah di bawah seksyen 23C penghuni premis yang digeledah, atau kepada ejen atau pekhidmatnya, di premis itu; dan *(Pindaan 2001)*

(b) jika kenderaan telah disita di bawah seksyen 23D orang yang mengawal atau menjaga kenderaan itu. *(Pindaan 2001)*

(2) Jika premis itu tidak didiami, pegawai yang menyita itu hendaklah bilamana boleh melekatkan senarai benda yang disita itu di tempat yang mudah dilihat di premis itu. *(Pindaan 2001)*

Kuasa untuk memasuki premis.  
(Pindaan 2001)

**23F.** Walau apa pun seksyen 23C seorang pegawai diberi kuasa boleh pada bila-bila masa memasuki mana-mana premis bagi maksud —

(a) memeriksa apa-apa koko, kenderaan, jentera, peralatan, kelengkapan, buku, rekod, dokumen atau benda lain sebagaimana yang didapatinya perlu;

(Pindaan 2001)

(b) mengesahkan ketepatan rekod atau kenyataan atau apa-apa maklumat yang diberikan kepada pegawai diberi kuasa atau kepada Lembaga; atau

(Pindaan 2001)

(c) memungut sampel apa-apa koko.

Pemulangan sementara kenderaan, dsb.  
(Pindaan 2001)

**23G.** (1) Jika apa-apa kenderaan, jentera, peralatan atau kelengkapan disita di bawah Akta ini, mahkamah boleh buat sementara memulangkan kenderaan, jentera, peralatan atau kelengkapan itu kepada pemunya kenderaan, jentera, peralatan atau kelengkapan itu atau orang yang daripada pemilikan, jagaan atau kawalannya kenderaan, jentera, peralatan atau kelengkapan itu disita, tertakluk kepada apa-apa syarat yang dikenakan oleh mahkamah dan, tertakluk dalam apa-apa hal kepada jaminan yang mencukupi diberikan sehingga mahkamah berpuas hati bahawa kenderaan, jentera, peralatan atau kelengkapan itu akan diserahkan balik kepada mahkamah apabila diminta dan bahawa syarat itu, jika ada, akan dipatuhi.

(Pindaan 2001)

(2) Jika apa-apa kenderaan, jentera, peralatan atau kelengkapan yang disita dipulangkan buat sementara di bawah subseksyen (1), seseorang yang —

(Pindaan 2001)

(a) tidak menyerahkan balik kenderaan, jentera, peralatan atau kelengkapan itu kepada mahkamah apabila diminta; atau

(Pindaan 2001)

(b) melanggar mana-mana syarat yang dikenakan di bawah subseksyen (1),

(Pindaan 2001)

adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

- 23H.** (1) Ketua-Pengarah boleh pada bila-bila masa mengarahkan supaya apa-apa koko yang disita di bawah Akta ini dijual dan hasil penjualan itu dipegang sementara menanti keputusan apa-apa pendakwaan di bawah Akta ini jika —
- Penjualan dan pelupusan koko yang disita.  
(Pindaan 2001)
- (a) koko itu adalah daripada jenis mudah rosak atau mutunya mudah merosot;
- (Pindaan 2001)
- (b) jagaan koko itu melibatkan perbelanjaan dan kesusahan yang tidak munasabah;
- (Pindaan 2001)
- (c) terdapat kekurangan atau ketiadaan kemudahan yang mencukupi atau sesuai untuk menyimpan koko itu; atau
- (Pindaan 2001)
- (d) koko itu dipercayai menyebabkan halangan atau bahaya kepada orang awam.
- (Pindaan 2001)
- (2) Walau apa pun subseksyen (1), jika juruanalisis memperakui, atau jika keputusan ujian yang diperakui oleh juruanalisis membuktikan, bahawa koko yang diuji olehnya tercemar, pegawai yang menyita itu boleh menyimpannya dalam jagaan atau, jika tiada pendakwaan dimulakan berkenaan dengan koko itu, menyebabkan supaya koko itu dilupuskan mengikut cara yang ditentukan oleh Ketua-Pengarah.
- (Pindaan 2001)
- 23I.** Apa-apa koko atau hasil penjualan apa-apa koko atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita pada menjalankan apa-apa kuasa yang diberikan di bawah Akta ini boleh dilucuthakkan.
- Koko, dsb. yang disita boleh dilucuthakkan.  
(Pindaan 2001)
- 23J.** Apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang dilucuthakkan atau yang diambil dan disifatkan dilucuthakkan di bawah Bahagian ini hendaklah menjadi harta Lembaga.
- Hak harta mengenai koko, dsb. yang dilucuthakkan.  
(Pindaan 2001)

Pelucuthakkan  
atau pelepasan  
koko, dsb.  
yang disita.  
(Pindaan 2001)

**23K.** (1) Jika pendakwaan dimulakan berkenaan dengan apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita di bawah Akta ini, mahkamah yang dihadapannya pendakwaan berkenaan dengan perkara itu dijalankan boleh memerintahkan pelucuthakkan atau pelepasan benda yang berkenaan.

(Pindaan 2001)

(2) Mahkamah hendaklah memerintahkan pelucuthakkan koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain jika dibuktikan sehingga mahkamah berpuas hati bahawa suatu kesalahan di bawah Akta ini telah dilakukan dan bahawa koko, kenderaan, jentera, peralatan, kelengkapan, buku, rekod, dokumen atau benda lain itu adalah hal perkara atau telah digunakan dalam pelakuan kesalahan itu, walau pun tiada seorang pun telah disabitkan atas kesalahan itu.

(Pindaan 2001)

(3) Jika tidak ada pendakwaan akan dimulakan berkenaan dengan apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita di bawah Akta ini, pegawai diberi kuasa yang dalam jagaannya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu dipegang hendaklah memberitahu orang yang daripadanya koko, kenderaan, jentera, peralatan, kelengkapan, buku, rekod, dokumen atau benda lain itu disita tentang hakikat itu dan tentang peruntukan seksyen 23L.

(Pindaan 2001)

(4) Notis di bawah subseksyen (3) hendaklah bertulis dan hendaklah dihantar ke alamat terakhir diketahui orang yang berkenaan.

(Pindaan 2001)

(5) Jika tiada tuntutan dibuat di bawah seksyen 23L dalam masa tiga puluh hari dari tarikh notis yang disebut dalam subseksyen (3) disampaikan, koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain yang disita hendaklah diambil dan disifatkan dilucuthakkan apabila tempoh itu tamat.

**23L.** (1) Seseorang yang menegaskan bahawa orang itu ialah pemunya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain yang disebut dalam subseksyen (3) seksyen 23K dan bahawa koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu tidak boleh dilucuthakkan boleh memberikan sendiri atau melalui ejennya yang diberi kuasa secara bertulis notis bertulis kepada pegawai diberi kuasa yang dalam jagaannya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu dipegang bahawa orang itu menuntut koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu.

Tuntutan bagi koko, dsb. yang disita. (Pindaan 2001)

(2) Apabila notis yang disebut dalam subseksyen (1) diterima, pegawai diberi kuasa hendaklah merujukkan perkara itu kepada Ketua-Pengarah yang boleh mengarahkan supaya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu dilepaskan atau boleh mengarahkan pegawai diberi kuasa, melalui maklumat bertulis, merujukkan perkara itu kepada Majistret.

(Pindaan 2001)

(3) Majistret yang kepadanya sesuatu perkara dirujukkan di bawah subseksyen (2) hendaklah mengeluarkan suatu saman yang menghendaki Lembaga dan orang yang menegaskan bahawa orang itu ialah pemunya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu dan orang yang daripadanya koko, kenderaan, jentera, peralatan, kelengkapan, buku, rekod, dokumen atau benda lain itu disita hadir di hadapan Majistret itu dan apabila mereka hadir atau apabila mereka tidak hadir, tetapi penyampaian saman dengan sewajarnya dibuktikan, Majistret hendaklah meneruskan pemeriksaan perkara itu.

(Pindaan 2001)

(4) Jika dibuktikan bahawa suatu kesalahan di bawah Akta ini telah dilakukan dan bahawa koko, kenderaan, jentera, peralatan, kelengkapan, buku, rekod, dokumen atau benda lain itu adalah hal perkara atau telah digunakan dalam pelakuan kesalahan itu, Majistret hendaklah memerintahkan supaya koko atau hasil penjualan koko, atau kenderaan, jentera, peralatan, kelengkapan, buku, rekod, dokumen atau benda lain itu dilucuthakkan, dan hendaklah jika tiada bukti sedemikian, memerintahkan pelepasannya.

(Pindaan 2001)

*(Pindaan 2001)*

(5) Apa-apa koko atau hasil penjualan apa-apa koko, atau apa-apa, kenderaan, jentera, peralatan, kelengkapan, buku, rekod, dokumen atau benda lain yang dilucuthakkan atau yang disifatkan dilucuthakkan hendaklah dihantARSERahkan kepada pegawai diberi kuasa itu dan hendaklah dilupuskan mengikut arahan Majistret.

*(Pindaan 2001)*

(6) Lembaga tidak menanggung liabiliti kepada mana-mana orang bagi apa-apa kemerosotan, tidak kira bagaimana sekali pun berlaku, dalam mutu apa-apa koko yang disita di bawah Akta ini.

Pelepasan koko  
dsb. yang disita.  
*(Pindaan 2001)*

**23M.** Walau apa pun seksyen 23L, Ketua-Pengarah atau mana-mana pegawai yang diberi kuasa oleh Ketua-Pengarah boleh, jika didapatinya patut, pada bila-bila masa mengarahkan supaya apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita di bawah Bahagian ini dilepaskan kepada orang yang daripada pemilikan, jagaan atau kawalannya koko, kenderaan, jentera, peralatan, kelengkapan, buku, rekod, dokumen atau benda lain itu disita.

Kos memegang  
koko, dsb. yang  
disita.  
*(Pindaan 2001)*

**23N.** Jika apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita di bawah Akta ini dipegang dalam jagaan Lembaga atau Kerajaan sementara menunggu penyelesaian apa-apa prosiding berkenaan dengan kesalahan di bawah Akta ini, kos bagi memegangnya dalam jagaan hendaklah, dalam hal mana-mana orang didapati bersalah atas sesuatu kesalahan, menjadi hutang yang kena dibayar kepada Lembaga atau Kerajaan, mengikut mana-mana yang berkenaan, oleh orang itu dan hendaklah boleh didapatkan dengan sewajarnya.

**23O.** Tiada seorang pun boleh, dalam apa-apa prosiding di hadapan mana-mana mahkamah berkenaan dengan penyitaan apa-apa koko, kenderaan, jentera, peralatan, kelengkapan, buku, rekod, dokumen atau benda lain yang disita pada menjalankan atau yang dikatakan pada menjalankan mana-mana kuasa yang diberikan di bawah Akta ini, berhak kepada kos prosiding itu atau kepada apa-apa gantirugi atau relief lain melainkan jika penyitaan itu dibuat tanpa sebab yang munasabah.

Tiada kos atau gantirugi yang berbangkit daripada penyitaan boleh didapatkan.  
(Pindaan 2001)

**23P.** (1) Seseorang pegawai diberi kuasa hendaklah, bagi maksud melaksanakan Akta ini, mempunyai kuasa untuk melakukan segala atau mana-mana daripada perbuatan yang berikut —

Kuasa tambahan.  
(Pindaan 2001)

(a) menghendaki pengemukaan rekod, akaun, data yang dikomputerkan dan dokumen dan meneliti, memeriksa dan menyalin mana-mana rekod, akaun, data yang dikomputerkan dan dokumen itu;

(Pindaan 2001)

(b) menghendaki pengemukaan apa-apa dokumen pengenalan daripada mana-mana orang berhubungan dengan mana-mana hal atau kesalahan di bawah Akta ini;

(Pindaan 2001)

(c) membuat apa-apa siasatan yang perlu untuk menentukan sama ada Akta ini telah dipatuhi.

(Pindaan 2001)

(2) Seseorang yang tidak mematuhi permintaan yang dibuat di bawah subsekyen (1) adalah melakukan suatu kesalahan dan, apabila disabitkan, boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

(Pindaan 2001)

**23Q.** Seseorang yang —

(a) menyerang, menghalang, merintang atau mengganggu mana-mana pegawai diberi kuasa dalam pelaksanaan fungsi-fungsinya di bawah Akta ini;

Menyerang atau menghalang pegawai diberi kuasa menjadi kesalahan.  
(Pindaan 2001)

(Pindaan 2001)

(b) mengambil balik atau berusaha untuk mengambil balik apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita di bawah Akta ini; atau

(Pindaan 2001)

(c) sebelum atau selepas apa-apa penyitaan menyebabkan kehilangan, atau merosakkan atau memusnahkan apa-apa koko, kenderaan, jentera, peralatan, kelengkapan, buku, rekod, dokumen atau benda lain untuk menghalang penyitaan atau penyimpanan selamat koko, kenderaan, jentera, peralatan, kelengkapan, buku, rekod, dokumen atau benda lain itu,

(Pindaan 2001)

adalah melakukan suatu kesalahan dan apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

(Pindaan 2001)

## BAHAGIAN VB AM

Perlantikan juruanalisis.  
(Pindaan 2001)

**23R.** (1) Bagi maksud Akta ini, Menteri boleh melantik juruanalisis untuk memeriksa dan menguji apa-apa koko dan untuk memperakui keadaan, jenis, cara pemprosesan, mutu, piawaian dan grednya.

(Pindaan 2001)

(2) Dalam apa-apa pendakwaan bagi kesalahan di bawah Akta ini, suatu perakuan analisis yang ditandatangani oleh seorang juruanalisis hendaklah menjadi keterangan yang mencukupi mengenai fakta yang dinyatakan dalam perakuan itu.

Pemeriksaan atau pengujian berkadar koko yang disita.  
(Pindaan 2001)

**23S.** (1) Jika didapati perlu untuk memeriksa atau menguji apa-apa koko yang disita di bawah Akta ini, maka adalah mencukupi untuk memeriksa atau menguji hanya suatu sampel yang tidak melebihi sepuluh peratus daripada isipadu atau berat koko itu atau daripada setiap jenis atau perihalan yang berlainan koko itu atau, jika koko itu dibungkus dalam bungkusan yang berlainan, daripada kandungan setiap bungkusan.

(2) Mahkamah hendaklah menganggap bahawa baki jenis, perihalan atau bungkusannya itu adalah serupa dengan keadaan, jenis, cara pemprosesan, mutu, piawaian, gred atau selainnya sampel koko yang diperiksa atau diuji.

*(Pindaan 2001)*

**23T.** (1) Kecuali bagi maksud Akta ini atau bagi maksud apa-apa prosiding sivil atau jenayah di bawah mana-mana undang-undang bertulis atau jika selainnya dibenarkan oleh Lembaga –

Kewajipan  
kerahsiaan.  
*(Pindaan 2001)*

(a) tiada seorang pun anggota Lembaga atau mana-mana jawatankuasanya atau mana-mana pegawai atau pekhidmat atau ejen Lembaga atau mana-mana orang yang menghadiri mana-mana mesyuarat Lembaga atau mana-mana jawatankuasanya, sama ada semasa tempoh memegang jawatan atau semasa tempoh penggajiannya atau selepas itu, boleh mendedahkan apa-apa maklumat yang diperolehi olehnya semasa menjalankan kewajipannya; dan

*(Pindaan 2001)*

(b) tiada seorang pun yang, melalui apa-apa cara, mempunyai capaian kepada apa-apa rekod, buku, daftar, surat, maklumat, dokumen atau bahan lain yang diperolehi di bawah Akta ini atau yang berhubung dengan hal ehwal Lembaga boleh mendedahkan rekod, buku, daftar, surat, maklumat, dokumen atau bahan lain itu.

*(Pindaan 2001)*

(2) Seseorang yang melanggar subseksyen (1) adalah melakukan suatu kesalahan dan, apabila disabitkan boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

*(Pindaan 2001)*

Maklumat palsu.  
(Pindaan 2001)

**23U.** Seseorang yang membuat, secara lisan atau bertulis, menandatangani atau memberikan apa-apa perisytiharan, penyata, perakuan atau dokumen atau maklumat lain yang dikehendaki di bawah Akta ini yang tidak benar, tidak tepat atau mengelirukan dalam apa-apa butiran adalah melakukan suatu kesalahan dan, apabila disabitkan, boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

Kesalahan oleh  
pertubuhan  
perbadanan.  
(Pindaan 2001)

**23V.** (1) Jika sesuatu pertubuhan perbadanan melakukan suatu kesalahan di bawah Akta ini, maka mana-mana orang yang pada masa kesalahan dilakukan ialah pengarah, pengurus, setiausaha atau pegawai lain yang seumpamanya dalam pertubuhan perbadanan itu atau yang berupa bertindak atas apa-apa sifat sedemikian atau yang dengan apa-apa cara atau sehingga apa-apa takat bertanggungjawab tentang pengurusan apa-apa hal-ehwal pertubuhan perbadanan itu atau yang membantu dalam pengurusan sedemikian —

(Pindaan 2001)

(a) boleh didakwa secara berasingan atau berseksama dalam prosiding yang sama bersekali dengan pertubuhan perbadanan itu; dan

(Pindaan 2001)

(b) jika pertubuhan perbadanan itu didapati telah melakukan kesalahan itu, hendaklah juga didapati telah melakukan kesalahan itu melainkan jika, dengan mengambil kira jenis fungsinya atas sifat itu dan segala hal keadaan, orang dia membuktikan —

(Pindaan 2001)

(i) bahawa kesalahan itu telah dilakukan tanpa pengetahuan, persetujuan atau pembiaraannya; dan

(Pindaan 2001)

(ii) bahawa orang itu telah mengambil segala langkah yang munasabah dan telah menjalankan segala usaha yang wajar untuk mencegah pelakuan kesalahan itu.

(2) Jika mana-mana orang boleh, di bawah Akta ini, dikenakan apa-apa hukuman atau penalti bagi apa-apa perbuatan, peninggalan, pengabaian atau keingkaran, maka orang itu boleh dikenakan hukuman atau penalti yang sama bagi tiap-tiap perbuatan, peninggalan, pengabaian atau keingkaran mana-mana pekerja atau ejennya, atau pekerja ejen itu, jika perbuatan, peninggalan, pengabaian atau keingkaran itu telah dilakukan —

*(Pindaan 2001)*

(a) oleh pekerjajannya dalam masa penggajiannya;

*(Pindaan 2001)*

(b) oleh ejen itu semasa bertindak bagi pihaknya; atau

*(Pindaan 2001)*

(c) oleh pekerja ejen itu dalam masa penggajian pekerja itu dengan ejen itu atau selainnya bagi pihak ejen itu.

*(Pindaan 2001)*

**23W.** (1) Seseorang yang melakukan suatu kesalahan di bawah Akta ini yang baginya tiada penalti diperuntukkan secara nyata, apabila disabitkan, boleh didenda tidak melebihi lima puluh ribu ringgit atau dipenjarakan selama tempoh tidak melebihi dua tahun atau kedua-duanya.

Penalti Am.  
*(Pindaan 2001)*

(2) Bagi maksud seksyen ini, “Akta ini” tidak termasuk peraturan-peraturan yang dibuat di bawah Akta ini.

*(Pindaan 2001)*

**23X.** (1) Seseorang yang bersubahat dalam pelakuan atau yang mencuba melakukan apa-apa kesalahan di bawah Akta ini adalah melakukan kesalahan itu dan apabila disabitkan boleh dikenakan hukuman yang diperuntukkan bagi kesalahan itu.

Persubahatan dan percubaan boleh dihukum sebagai kesalahan.  
*(Pindaan 2001)*

(2) Seseorang yang melakukan apa-apa perbuatan sebagai persediaan bagi atau bagi membantu pelakuan apa-apa kesalahan di bawah Akta ini adalah melakukan kesalahan itu dan apabila disabitkan boleh dikenakan hukuman yang diperuntukkan bagi kesalahan itu tetapi apa-apa tempoh pemenjaraan yang dikenakan tidak boleh melebihi satu per dua daripada tempoh maksimum yang diperuntukkan bagi kesalahan itu.

*(Pindaan 2001)*

Kuasa untuk mengkompaun  
(Pindaan 2001)

**23Y.** (1) Ketua-Pengarah boleh mengkompaun apa-apa kesalahan yang dilakukan oleh mana-mana orang di bawah Akta ini yang ditetapkan sebagai kesalahan boleh dikompaun oleh peraturan-peraturan yang dibuat di bawah akta ini dengan membuat tawaran bertulis kepada orang yang semunasabahnya disyaki telah melakukan kesalahan itu untuk mengkompaun kesalahan itu apabila dibayar kepada Ketua-Pengarah suatu amaun wang yang tidak melebihi lima puluh peratus amaun denda maksimum bagi kesalahan itu dalam tempoh yang dinyatakan dalam tawaran itu.

(Pindaan 2001)

(2) Sesuatu tawaran di bawah subseksyen (1) boleh dibuat pada bila-bila masa selepas kesalahan itu dilakukan, tetapi sebelum apa-apa pendakwaan ke atasnya dimulakan, dan jika amaun yang dinyatakan dalam tawaran itu tidak dibayar dalam tempoh yang dinyatakan dalam tawaran itu atau dalam apa-apa tempoh lanjutan yang dibenarkan oleh Ketua-Pengarah, pendakwaan ke atas kesalahan itu boleh dimulakan pada bila-bila masa selepas itu terhadap orang yang kepadanya tawaran itu dibuat.

(Pindaan 2001)

(3) Jika suatu kesalahan dikompaun di bawah subseksyen (1), tiada pendakwaan boleh dimulakan berkenaan dengan kesalahan itu terhadap orang yang kepadanya tawaran itu dibuat dan apa-apa koko atau hasil penjualan apa-apa koko, atau apa-apa kenderaan, jentera, peralatan, kelengkapan, buku, rekod, dokumen atau benda lain yang disita berkaitan dengan kesalahan itu boleh dilepaskan atau dilucuthakkan oleh Ketua-Pengarah, tertakluk kepada apa-apa syarat yang didapati patut oleh Ketua-Pengarah.

(Pindaan 2001)

(4) Segala wang yang diterima oleh Ketua-Pengarah di bawah seksyen ini hendaklah dibayar ke dalam dan menjadi sebahagian daripada Kumpulan Wang.

Permulaan dan perjalanan pendakwa.  
(Pindaan 2001)

**23Z.** (1) Tiada pendakwaan bagi atau yang berhubungan dengan apa-apa kesalahan di bawah Akta ini boleh dimulakan tanpa kebenaran bertulis Pendakwa Raya.

(Pindaan 2001)

(2) Mana-mana pegawai Lembaga yang diberi kuasa secara bertulis oleh Pendakwa Raya boleh menjalankan pendakwaan bagi apa-apa kesalahan di bawah Akta ini.

**23AA.** Walau apa pun mana-mana undang-undang bertulis yang lain --

Perwakilan dalam prosiding sivil.  
(Pindaan 2001)

(a) dalam apa-apa prosiding sivil oleh atau terhadap Lembaga; atau

(Pindaan 2001)

(b) dalam apa-apa prosiding sivil yang lain yang Lembaga dikehendaki atau dibenarkan oleh mahkamah untuk diwakili, atau untuk didengar, atau selainnya berhak untuk diwakili atau didengar,

(Pindaan 2001)

mana-mana orang yang diberi kuasa oleh Lembaga bagi maksud itu boleh, bagi pihak Lembaga, memulakan prosiding itu atau hadir dalam prosiding itu dan boleh membuat semua kehadiran dan permohonan dan melakukan segala perbuatan berkenaan dengan prosiding itu bagi pihak Lembaga.

(Pindaan 2001)

**23BB.** Walau apa pun mana-mana undang-undang bertulis yang berlawanan, Mahkamah Majistret Kelas Pertama hendaklah mempunyai bidang kuasa untuk membicarakan apa-apa kesalahan di bawah Akta ini dan untuk mengenakan hukuman penuh bagi apa-apa kesalahan sedemikian.

Bidang kuasa untuk membicarakan kesalahan.  
(Pindaan 2001)

**23CC.** Tiada tindakan atau pendakwaan boleh dibawa, dimulakan atau disenggarakan dalam mana-mana mahkamah terhadap —

Perlindungan pegawai.  
(Pindaan 2001)

(a) Ketua-Pengarah, Timbalan Ketua-Pengarah, atau mana-mana pegawai lain yang dilantik dengan sewajarnya di bawah Akta ini bagi atau atas sebab atau berkenaan dengan apa-apa perbuatan yang diarahkan atau yang dilakukan bagi maksud melaksanakan Akta ini; dan

(Pindaan 2001)

*(Pindaan 2001)*

(b) mana-mana orang lain bagi atau atas sebab atau berkenaan dengan apa-apa perbuatan yang dilakukan atau dikatakan dilakukan olehnya di bawah perintah, arahan atau suruhan Ketua-Pengarah, Timbalan Ketua-Pengarah atau mana-mana pegawai lain yang dilantik dengan sewajarnya di bawah Akta ini jika perbuatan itu dilakukan dengan suci hati dan dengan mempercayai dengan semunasabahnya bahawa perbuatan itu perlu bagi maksud yang diniatkan untuk dicapai dengannya.

Hadiah.  
*(Pindaan 2001)*

**23DD.** Ketua-Pengarah boleh mengarahkan supaya dibayar apa-apa hadiah yang didapatinya patut kepada mana-mana orang bagi perkhidmatan yang diberikan berkaitan dengan pengesanan apa-apa kesalahan di bawah Akta ini, atau berkaitan dengan apa-apa penyitaan yang dibuat di bawah Akta ini.

Perlindungan  
pemberi  
maklumat.  
*(Pindaan 2001)*

**23EE.** (1) Kecuali sebagaimana yang diperuntukan dalam subseksyen (2) dan (3), tiada seorang pun saksi dalam apa-apa prosiding sivil atau jenayah boleh dikehendaki atau dibenarkan mendedahkan nama atau alamat pemberi maklumat atau isi maklumat yang diterima daripadanya atau menyatakan apa-apa perkara yang mungkin menyebabkan pemberi maklumat diketahui.

*(Pindaan 2001)*

(2) Jika apa-apa buku, rekod atau dokumen yang menjadi keterangan atau yang boleh diperiksa dalam apa-apa prosiding sivil atau jenayah mengandungi apa-apa catatan yang dalamnya mana-mana pemberi maklumat dinamakan atau diperihalkan atau yang mungkin menyebabkan pemberi maklumat diketahui, mahkamah hendaklah menyebabkan supaya semua perenggan sedemikian ditutup daripada penglihatan atau dipadamkan hanya setakat yang perlu untuk melindungi pemberi maklumat daripada diketahui.

(3) Jika dalam perbicaraan bagi apa-apa kesalahan di bawah Akta ini atau mana-mana peraturan yang dibuat di bawah Akta ini mahkamah selepas siasatan penuh tentang kes itu mempercayai bahawa pemberi maklumat dengan sengaja membuat dalam aduannya suatu kenyataan matan yang pemberi maklumat itu tahu atau percaya adalah palsu atau tidak percaya adalah benar, atau jika dalam apa-apa prosiding lain mahkamah berpendapat bahawa keadilan tidak dapat dibuat sepenuhnya antara pihak-pihak dalam prosiding itu tanpa mengetahui pemberi maklumat, mahkamah boleh menghendaki pengemukakan aduan asal, jika bertulis, dan membenarkan siasatan dan menghendaki pendedahan sepenuhnya, berkenaan dengan pemberi maklumat itu.

*(Pindaan 2001)*

## **BAHAGIAN VI PERUNTUKAN-PERUNTUKAN TAMBAHAN DAN PERALIHAN**

*(Pindaan 2001)*

**24.** (1) Harta dalam tiap-tiap penemuan atau suatu pembaikan pada mana-mana proses atau radas oleh Ketua-Pengarah, mana-mana anggota kakitangan atau mana-mana pakar yang diambil kerja oleh Lembaga, dalam menjalankan tugas-tugas rasminya atau dalam tempoh pegawai atau orang berkenaan itu sedang bekerja dengan Lembaga atau berada dalam perkhidmatan Lembaga, hendaklah terletak hak pada Lembaga, tetapi boleh memberi hadiah kepada pegawai atau orang berkenaan kerana penemuan atau pembaikan itu mengikut apa-apa cara yang difikirkan patut oleh Lembaga.

Harta-harta dalam penemuan dan pembaikan.  
*(Dibatalkan)*

(2) Lembaga boleh menyebabkan tersedia apa-apa penemuan atau pembaikan yang terletak hak pada Lembaga menurut kuasa subseksyen (1), kepada mana-mana badan atau orang tertakluk kepada apa-apa syarat dan kepada bayaran apa-apa fi atau royalti jika ada, sebagaimana yang ditentukan oleh Lembaga.

*(Dibatalkan)*

- Pindaan Akta 11. **25.** Akta Instituit Penyelidikan dan Kemajuan Pertanian Malaysia 1969 adalah dipinda dengan menggantikan perkataan-perkataan “getah dan kelapa sawit” dalam seksyen 3 (a) dengan perkataan-perkataan “getah, kelapa sawit dan koko kecuali tentang penyelidikan ke atas tanaman selangan koko dengan kelapa dan kopi oleh pekebun-pekebun kecil”.
- Pindaan lanjut Akta 11. *(Pindaan 2001)* **25A.** Akta Institut Penyelidikan dan Kemajuan Pertanian Malaysia 1969 dipinda dalam perenggan (a) seksyen 3 dengan memotong perkataan “kecuali tentang penyelidikan ke atas tanaman selangan koko dengan kelapa dan kopi oleh pekebun-pekebun kecil”.
- Pindaan Akta 141. *(Pindaan 2001)* **26.** Akta Lembaga Pemasaran Pertanian Persekutuan 1965 adalah dipinda dengan menggantikan perkataan-perkataan “and tobacco” dalam tafsiran “agricultural produce” dalam Seksyen 1A dengan perkataan-perkataan, “tobacco and cocoa”.
- Pemindahmilikan harta. *(Pindaan 2001)* **26A.** (1) Segala tanah yang sebelum hari ditetapkan terletak pada, atau dirizabkan di bawah mana-mana undang-undang bertulis yang berhubung dengan tanah bagi maksud, MARDI dan yang digunakan bagi maksud stesen MARDI Hilir Perak hendaklah pada hari itu terletak pada atau disifatkan sebagai dirizabkan bagi maksud Lembaga.
- (Pindaan 2001)* (2) Segala harta dan aset selain tanah yang sebelum hari ditetapkan terletak pada MARDI atau pada mana-mana orang bagi pihak MARDI, mengikut mana-mana yang berkenaan, dan yang digunakan bagi maksud stesen MARDI Hilir Perak hendaklah pada hari itu terletak pada Lembaga.

**26B.** Segala surat ikatan, ikatan, perjanjian, surat cara dan perkiraan bekerja yang wujud sebelum hari ditetapkan dan yang menyentuh apa-apa tanah, harta atau aset yang dipindahmilikan di bawah seksyen 26A hendaklah mempunyai kuatkuasa dan kesan sepenuhnya terhadap atau memihak kepada Lembaga dan bolehlah dikuatkuasakan dengan sepenuhnya dan berkesan seolah-olah, sebagai ganti MARDI atau stesen MARDI Hilir Perak atau mana-mana orang yang bertindak bagi pihak MARDI atau stesen MARDI Hilir Perak, Lembaga yang dinamakan dalam atau menjadi pihak kepada surat ikatan, ikatan, perjanjian, surat cara atau perkiraan berkerja itu.

Kontrak Sediada.  
(Pindaan 2001)

**26C.** Orang yang pada hari yang ditetapkan diambil kerja sebagai pegawai dan pekhidmat dalam penyelidikan koko di MARDI sama ada bertugas di stesen MARDI Hilir Perak atau selainnya, yang menerima pilihan untuk berkhidmat dengan Lembaga hendaklah terus menjadi pegawai dan pekhidmat Lembaga di bawah Akta ini seolah-olah orang itu telah dilantik di bawah Seksyen 15 Akta ini atas terma dan syarat yang sama yang atasnya orang itu diambil kerja oleh MARDI sebelum sahaja hari ditetapkan.

Penerusan pegawai  
dan pekhidmat.  
(Pindaan 2001)

**27.** Semua tindakan dan perkara yang dilakukan oleh mana-mana orang yang dalam persediaan untuk atau dalam jangkaan Akta ini dan apa-apa perbelanjaan yang ditanggung berhubungan dengannya hendaklah disifatkan telah dibenarkan di bawah Akta ini, dengan syarat tindakan-tindakan dan perkara-perkara yang dilakukan itu adalah tidak berlawanan dengan niat dan maksud am Akta ini dan semua hak dan obligasi yang diperolehi atau ditanggung akibat dari melakukan tindakan-tindakan atau perkara-perkara itu, termasuk apa-apa perbelanjaan yang ditanggung berhubungan dengannya hendaklah disifatkan sebagai hak-hak dan obligasi-obligasi Lembaga.

Pengesahan tindakan  
yang dilakukan  
semasa akta masih  
dalam jangkaan.

(1) Bagi mengelakkan keraguan adalah diisytiharkan bahawa subseksyen (1) tidak membenarkan perlantikan anggota-anggota, pegawai-pegawai atau pekhidmat-pekhidmat Lembaga kecuali setakat membenarkan perlantikan sementara orang-orang sedemikian sehingga perlantikan-perlantikan yang sebenar dibuat di bawah Akta ini.

Kuasa Menteri untuk memberi pengecualian.

**28.** Menteri boleh mengecualikan mana-mana orang atau kelas orang melalui pemberitahuan dalam *Warta* daripada mana-mana peruntukan Akta ini tertakluk kepada apa-apa syarat atau sekatan sebagaimana yang difikirkannya sesuai dikenakan.

(Pindaan 2001)

## **JADUAL PERTAMA**

### **[Seksyen 3 (6)]**

#### **PERUNTUKAN-PERUNTUKAN TAMBAHAN BERKENAAN DENGAN LEMBAGA**

1. Lembaga hendaklah mengadakan sekurang-kurangnya empat kali mesyuarat dalam setiap tahun.
  
2. Lembaga hendaklah juga bermesyuarat pada masa lain sebagaimana yang difikirkan perlu oleh Pengerusi atau atas permintaan mana-mana enam anggota.
  
3. (1) Dalam mana-mana mesyuarat Lembaga, enam anggota hendaklah membentuk suatu kuorum.
  
- (2) Keputusan-keputusan Lembaga hendaklah diambil dengan majoriti biasa oleh anggota-anggota yang hadir dan mengundi.
  
- (3) Jika mengenai apa soal yang hendak diputuskan oleh Lembaga terdapat bilangan undi yang sama banyaknya. Pengerusi atau anggota yang mempengerusikan mesyuarat itu hendaklah mempunyai undi pemutus selain daripada undi biasanya.
  
4. (1). Anggota Lembaga yang –

- (a) Pada tiga kali mesyuarat Lembaga berturut-turut, tanpa sebab yang munasabah atau kebenaran bertulis Pengerusi, telah tidak menghadiri juga tidak diwakili oleh anggota silih ganti, jika ada, yang dilantik mengenai anggota itu;
- (b) Telah didapati atau diisytiharkan tak sempurna akal;
- (c) Telah menjadi bankrap atau membuat perkiraan dengan pemiutang-pemiutangnya, atau
- (d) Telah disabitkan atas apa-apa kesalahan yang melibatkan fraud, kecurangan atau keburukan akhlak.

hendaklah berhenti daripada memegang jawatan.

(2) Peruntukan-peruntukan subperenggan (1) perenggan ini, selain daripada subperenggan (1) (a), hendaklah terpakai *mutatis mutandis* bagi seorang anggota silihganti.

**5.** Tiada anggota Lembaga boleh menanggung liabiliti persendirian atas apa-apa kerugian atau kerosakan yang disebabkan oleh apa-apa tindakan atau peninggalan dalam mentadbirkan hal-ehwal Lembaga melainkan jika kerugian atau kersoakan itu dilakukan dengan sengaja atau melalui kelalaian atau kecuaiian melampau.

**6.** Pengerusi dan anggota Lembaga boleh dibayar apa-apa elaun sebagaimana yang ditentukan oleh Menteri dengan persetujuan Menteri Kewangan.

**7.** Tertakluk kepada Perenggan 1, 2, 3 dan 4, Lembaga boleh mengawalselia prosedurnya sendiri.

(Pindaan 2001)

## JADUAL KEDUA

### (Seksyen 10 (3))

Kuasa Lembaga membuat peraturan-peraturan berkenaan dengan perbadanan.

**1.** Lembaga hendaklah, pada atau sebelum tarikh mana-mana perbadanan ditubuhkan di bawah seksyen 10, membuat peraturan-peraturan berkenaan dengan perbadanan itu menentukan –

- (a) maksud-maksud dan tujuan-tujuan perbadanan itu ditubuhkan;
- (b) hak-hak, kuasa-kuasa, kewajipan-kewajipan dan fungsi-fungsi perbadanan itu;
- (c) sistem pengurusannya; dan
- (d) hubungan antara perbadanan itu dengan Lembaga dan hak-hak pengawalannya ke atas perbadanan itu.

Kecualian.

**2.** Tiada apa-apa jua dalam perenggan 1 boleh disifatkan sebagai memberi kuasa kepada Lembaga membuat peraturan-peraturan untuk menubuhkan apa-apa perbadanan bagi apa-apa maksud atau tujuan yang lebih luas bidangnya daripada maksud-maksud atau tujuan-tujuan yang Lembaga itu telah ditubuhkan atau sebagai memberi kepada mana-mana perbadanan apa-apa hak, kewajipan, kuasa atau fungsi yang tidak termasuk antara hak-hak, kewajipan-kewajipan, kuasa-kuasa atau fungsi-fungsi Lembaga di bawah Akta ini.

Peraturan-peraturan tertakluk kepada Akta.

**3.** Tertakluk kepada peruntukan-peruntukan Akta ini dan peruntukan mana-mana peraturan-peraturan yang dibuat di bawahnya mana-mana peruntukan-peruntukan yang dibuat di bawah perenggan 1, sesuatu perbadanan hendaklah terikat kepada perbadanan yang berkenaan dengannya ia telah dibuat dan hendaklah berkuatkuasa bagi segala maksud seolah-olah ia telah diperbuat dalam Akta ini.

4. Lembaga boleh pada bila-bila masa meminda, membatalkan atau membuat tambahan kepada, mana-mana peraturan-peraturan yang dibuat berkenaan mana-mana perbadanan di bawah perenggan 1 dan seksyen 34 Akta Tafsiran 1967 hendaklah terpakai bagi mana peraturan yang dipinda atau dibatalkan itu seolah-olah peraturan-peraturan itu adalah undang-undang bertulis.

Pindaan bagi peraturan-peraturan 23/67.

5. Lembaga hendaklah menyimpan suatu daftar dalam bentuk yang ditetapkan mengenai semua perbadanan yang ditubuhkan olehnya di bawah seksyen 10 dan daftar itu bersama dengan salinan segala peraturan-peraturan yang dibuat di bawah perenggan 1 hendaklah terbuka untuk diperiksa oleh orang awam di suatu tempat atau mana-mana tempat dan pada bila-bila masa yang ditetapkan olehnya.

Daftar perbadanan.

6. (1) Lembaga boleh melalui perintah yang disiarkan dalam *Warta* mengarahkan supaya mana-mana perbadanan yang ditubuhkan olehnya digulung dan dibubarkan.

Penggulungan.

(2) Apabila mana-mana perbadanan dibubarkan di bawah perenggan ini, aset perbadanan itu hendaklah dipindah dan diletakkan pada Lembaga setelah dijelaskan segala liabiliti.

(3) Penggulungan sesuatu perbadanan di bawah perenggan ini hendaklah dijalankan dengan apa-apa cara yang ditetapkan oleh Lembaga.